



www.BibleForChildren.org



Yowaane 14



Nga Yesu aloma ati, “Mutenjendehereranga. Mute mu Hatonda owesige era keesi muutemo owesige. Ewa Bbaabba eriyo ebifo bingi era hiba ni hitali hiityo, nahabalomeeye. Era tiina ohubategeheera ehifo. Oluvanyuma lw’ohubategeheera, nja hugobola mberuhire, mwesi mube ni nange eyi nja huba.”



Ese Yowaane mulebe yenywe era owahyenywe
mu hubonaabona n'ohugumira olujetehe olu
banamaani batutaayeho olw'ohufugiirira


Yesu, n'ali hu hizinga ehi
balanga baati Patimo,




eyi bandanya
olw'ohulomera abaatu
ehibono hya Hatonda
ko n'ebiitu byosibyosi
ebi Yesu Kurisito
gaakwehulira.




Ng'ango ni naango Omwoyo wa Hatonda gamaamira
gapira mbona mwigulu etebe ey'obunugi ni huliho
owaali n'ayihaayeho.




Era nga pulira hiisi hiitu ehiramu ehiri mwigulu, hu
hyalo, ngaasi w'eroba nomu nyanja, hiisi hiitu anabula
hubihisya ni byemba biiti; "Abaatu
bajumirye, era baje enono oyo
owihaaye hu tebe ey'obunugi ko
ni Yesu, ali mu hifo hy'Etaama
Etusaŋo Ebibi. Obunangi n'obuhulu
bibe byawe
emirembe
n'emirembe!"




Nga mbona ehibuga hya Hatonda ehyabufu, konje Yerusaalemu ehinyaaha. Ehibuga hino hyali hiiha hu hyalo ni hiniwera mwigulu ewa Hatonda era mu faani yahyo hyali hifaana hy'omugole mu bujono obu abamo wamwe ko n'amwambahiise olw'oweenja.




Nga pulira ejanjaasi ery'amaani ni linwera mu tebe ya Hatonda ey'obunugi ni liroma liiti, "Ohunwa njaahani Hatonda anamenyenga njalala n'abaatu babe n'abeehaayemo njagati. Abaatu abo baaja huba baana babe era ni Hatonda omwene yeesi anaabenga Hatonda waawe."




Ng'ano malayika ola owapima obubbala w'ehibuga
gandaga olwabi olw'amaaji agaleetera abaatu ohuba
n'obulamu obutanwano. Olwabi olwo lwali luhuluhuta
ni lunwera mu tebe ey'obunugi omu Hatonda nalala ni
Yesu, ali mu hifo hy'Etaama Etusano Ebibi beehala,
era amaaji gaamo gaali mayonjo era mahosa bbece.



Hyali sihyetagisa wayire eryuba oba omwesi
ohwaduha mu hibuga ehyo olwohuba ohumasamasa
ohw'enjono Iya Hatonda hwali huhena ohuhinga
enjase era ni Yesu, ali mu hifo hy'Etaama Etusaŋo
Ebibi gaali mu hifo hy'etaala ohubanjanga enjase.



Mu hibuga omwo simulingiramo ehiitu hyosihyosi ehibi
oba omutu owetolyonga oba aloma eby'obudulingi.
Aye mulingiramo abo bonene
aba banandiiha amasiina
gaabwe mu hitabo
ehirimo olwanji
lw'amasina g'abaatu
aba Yesu, ali mu hifo
hy'Etaama Etusaŋo
Ebibi aliŋa obulamu
obutaŋwaŋo.



“Olw’ehyo, anahabatuseho
obulumu wosiwosi obu babaaye
ni balimo era gabasabusaho
amasiga aga babaaye ni balira.
Ohufiirwa n’ohulira ko n’obulumu
obwa hiisi ngeri sibiribango nindi
olwohuba ebihale ebibaaye ni
bireeta obulumu binahabe
biŋooyeŋo.”




Mu hibuga omwo simulibamo muutu oba ehiiti
hyosihyosi ehiriho ehinjwabo hya Hatonda. Mu hibuga
ehyo pomuli etebe y'obunugi ohu Hatonda nalala ni
Yesu, ali mu hifo hy'Etaama Etusano Ebibi behaala
era eyo peyi abaatu
babe baaja ohuba ni
bamujumirya.


Abaatu abo
balimubona moni
hu moni era
alinandiiha
esiina lirye hu
byeni byawe.




Nga mbona abaatu bosibosi abaali ni bafuuye ne
ŋaahani ni balamuhire ni bemereeye mu moni j'oyo
owaali ni gehaaye hu etebe y'obunugi. Abaatu abo
baali b'esibo n'esibo ni mulimo abegingihiriri
n'abaŋaasi. Ng'aŋo bawihula ebitabo bya
Hatonda omu baŋandiiha hiisi hiitu ehi
baatu baahola. Nga ŋabaŋo
n'ehitabo ehindi ehi
bawihula. Hino
nj'ehitabo omu
baŋandiiha olwanji
lw'amasiina g'abaatu
abohusuna ehirabo
hy'obulamu obutaŋwaŋo.



Ng'ango Hatonda asalira abo abaali ni bahenire ohufa
aye njaahani ni balamuhire omusango ni geema hu
ebyo ebi baali ni banjandiihire hu hiisi mulala hu bo mu
bitabo. Hiisi muutu oyu siina lirye litaali mu hitabo omu
banjandiiha olwanji lw'amasiina g'abaatu
abohusuna ehirabo hy'obulamu
obutanjwango nga bamudanya mu
nyanja eyo eri oti
namehere,
eyaduha omuliro
ogutasima.



Omwoyo wa Hatonda n'abaatu abali hy'omugole wa Yesu baloma hiisi ali n'ohutwi ohungulira baati, "Nja!" Era hiisi aba n'anjuliye gafugiirira yeesi alange owundi ati, "Nja!" Hiisi ali n'endunjo gaaje Hatonda amunje amaaji aganamuleetere ohuba n'obulamu obutanwano.



Hatonda ni gendire bugali abaatu,
gaṇayo Omwana wuwe omulala
wogobbo, ko hiisi amufugiirira
atahiiriha aye asune obulamu
obutanṅwaṅo.



Abarooma 3:23

olwohuba abaatu bosibosi babbengi mu moni ja Hatonda
era njanuma kadi mulala owolana n'enono lirye.

Abarooma 6:23

Ohufa nj'omuhemba ogubana omuutu aholo ehibi, aye
obulamu obutanwano nj'ehirabo ehi Hatonda agaba
ohubita mu Yesu Kurisito Musengwa weefe.

Ababbebbulaniya 9:27

Ng'olu hiisi muutu ali n'ohufa omulundi omulala
oluvanyuma bamusalire omusango,



Abefeeso 2:8,9

Mwanonjoha olw'ehisasabirisi hihye olu mwamufugiirira,
olwohuba ohunonjoha simaani genywe aye hirabo hya
Hatonda. Hatonda sigabanonjola olw'ebikolwa byenywe
ebirani olw'ehyo njanume owepaahapaaha.

Abarooma 10:9,10

Singa waatula n'omunwa gugwo oti Yesu nje Musengwa
n'otayeho n'ohufugiirira mu mwoyo gugwo oti Hatonda
gamulamusa mu bafu, ononjoha. Olwohuba omuutu
afugiirira n'omwoyo gugwe ko bamubala ohuba
omugwalaafu era ohunonjoha, geyatulira n'omunwa gugwe
omwene ati anonjohire.



Yowaane 3:16,17

Hatonda ni gendire bugali abaatu, ganayo Omwana wuwe omulala wogobbo, ko hiisi amufugiirira atasihiiriha aye asune obulamu obutanwano. Olwohuba Hatonda sigatuma Mwana wuwe hu hyalo ohusalira abaatu omusango aye banonohe ni babita mu niye.

1 Yowaane 5:11-13

Hatonda aloma ati gaatunja obulamu obutanwano era hubusuna ohubita mu Mwana wuwe oyo. Hiisi muutu afugiirira Omwana wa Hatonda ali n'obulamu obutanwano, aye oyo atamufugiirira abunjuma. Pandiihira enywe abafugiirira muuti Yesu Mwana wa Hatonda mwahamanya muuti muli n'obulamu obutanwano.



Yowaane 14; 2 Abakoriiso 5;
Ohuhwehula 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Nyole NT (nuj) © (Active), Wycliffe Bible Translators, Inc.
All rights reserved.

<https://live.bible.is/bible/NUJWBT/MAT/1>

©2026 Bible for Children, Inc.

www.M1914.org

www.bibleforchildren.org

